

摘藻堂四庫全書薈要

史部

欽定四庫全書薈要

史部

御批歷代通鑑輯覽卷二百十九

二十九

欽定四庫全書薈要

御批歷代通鑑輯覽卷一百十九

附明唐桂二王本末

桂王二

戎我

大清

世祖章皇帝順治五年春正月總兵金聲桓叛以江西附于桂

王由榔

聲桓本左良玉部將

王師南征聲桓自九江率衆歸附令與降將王體忠合營規取江右聲桓計殺體忠以其黨王得仁代之得仁亦閩部神將所稱王雜毛者也江西既平授聲桓總兵恃衆驕恣江西撫按每裁制之聲桓得仁心怏怏嘗遣其客雷德復通款于桂王由榔以聲桓妻子在京師未敢發會有以兩人陰事告巡按御史董學成者聲桓得仁懼適其孥亦自京師至反謀遂決以是月二十五日閉城門部勒全營圍學成官署殺之

并及副使成大業執巡撫章于天於江中迎故明在
籍大學士姜曰廣入城以資號召遣人奉表由榔由
榔封聲桓昌國公得仁新喻侯得仁統兵陷九江揚
言將窺江寧或說聲桓曰贛州居省上流文武督在
焉宜先攻贛不然且伺我後聲桓從之立召得仁還
與并力犯贛以宋奎光守南昌賊圍贛州

大兵守禦甚固久之不能拔聲桓乃令得仁往綴章貢
上下而引兵踰嶺犯雄韶

故明朱容藩僭稱監國于夔州尋敗死

時四川地尚附于桂王由榔容藩本明宗室奉由榔命為總制而李乾德楊喬然江爾文又先後以巡撫至各自署置官多於民諸將亦皆擁兵自雄由榔總督尚書樊一蘅令不行惟保叙州一郡會廣西危迫川中相傳由榔已死容藩遂僞稱監國天下兵馬副元帥建行臺于夔州稱制封拜御史錢邦芑傳檄討之堵允錫以湖南地失無所歸由貴州走蜀見容藩

責以大義曉譬利害其黨頗散由榔命其大學士呂
大器代王應熊督師四川大器至涪州過將軍李占
春營具言由榔無恙容藩乘機僭竊當得罪占春以
為然李乾德亦檄諸鎮致討容藩窘乃北依譚詣兄
弟以兵攻石砬土司占春援之容藩兵敗走死雲陽
魯王以海遁居琅琦島

時以海竄居海島鄭彩專柄與其大學士熊汝霖有
隙遣兵潛害之并害汝霖幼子又殺其義興侯鄭遵

謙皆投屍海中

汝霖
遵謙

賜諡忠節
賜諡節愍

以海以錢肅樂

為大學士

二月我

大清兵至靈川桂王由榔奔南寧

郝永忠在桂以不得鈔掠惡城外團練兵盡破水東
十八村殺戮無算與瞿式耜構難式耜力調劑永忠
乃移駐興安至是

大兵前驅至靈川永忠戰敗奔入桂林請由榔即夕西

走式耜力持不可言督師警報未至無大恐若播遷
不已國勢愈弱兵氣愈難振民心皇皇復何所依不
聽由榔左右皆請速駕式耜又言俟督師還背城借
一勝敗未可知若以走為策則何地不危反覆數百
言由榔曰卿不過欲予死社稷爾式耜為泣下沾衣
嚴起恒曰明日當議之迨夜半由榔已行甫出城永
忠即大掠捶殺太常卿黃太元式耜家亦被掠家人
矯何騰蛟令箭乃得釋日中趙印選諸營自靈川至

亦大掠城內外如洗永忠走柳州印選等走永寧明
日式邦息城中餘燼安撫遠近焦璉及諸鎮周金湯
熊兆佐胡一青等各率所部至騰蛟亦自永福至民
心粗定由榔自象州走南寧故少詹事朱天麟寓居安平土州由榔名為大
學士天麟請親率土兵畧江石不聽天麟乃
趨謁由榔於南寧天麟字游初崇山人

三月我

大清兵攻桂林

大兵偵知桂林兵變乘虛進襲直抵北門何騰蛟督焦

璉胡一青等分三門力戰拒守

大兵乃還駐全州城獲全時桂王由榔在南寧瞿式耜遣使慰由榔及太妃起居由榔始知式耜無恙為之泣下

我

大清兵克興化遂盡復魯王以海所陷諸州縣

魯王以海自航海後數遣兵擾閩境先後攻陷三府一州二十七縣軍勢頗盛至是

王師進討克興化城以海大學士朱繼祖及叅政湯芬

字方侯嘉善人

給事中林宥

字小眉莆田人

知縣都廷諫

杭州人

等並

死之

繼祖烈愍

眉廷諫

俱賜諡忠節芬

賜諡節愍

賜諡

遂連克永福

長樂建寧諸郡縣

永福破邑人給事中鄒正畿御史

林逢經俱投水死長樂破邑人御

史王恩及服毒死妻李氏同死建寧破守將王祈卷

戰不勝自焚死

正畿逢經恩及俱

賜諡節愍

閩乃謀窺浙東

時沈宸荃棄家從以海于海外以海

擢為大學士錢肅樂在舟中以鄭彩

專恣憂憤嘔血聞連江破以頭觸牀而死故相葉向

高會孫進晟葬之福清黃檗山中肅樂

賜諡忠

閩乃謀窺浙東

時沈宸荃棄家從以海于海外以海

擢為大學士錢肅樂在舟中以鄭彩

專恣憂憤嘔血聞連江破以頭觸牀而死故相葉向

高會孫進晟葬之福清黃檗山中肅樂

賜諡忠

閩乃謀窺浙東

時沈宸荃棄家從以海于海外以海

擢為大學士錢肅樂在舟中以鄭彩

專恣憂憤嘔血聞連江破以頭觸牀而死故相葉向

高會孫進晟葬之福清黃檗山中肅樂

賜諡忠

閩乃謀窺浙東

時沈宸荃棄家從以海于海外以海

擢為大學士錢肅樂在舟中以鄭彩

專恣憂憤嘔血聞連江破以頭觸牀而死故相葉向

高會孫進晟葬之福清黃檗山中肅樂

賜諡忠

閩乃謀窺浙東

時沈宸荃棄家從以海于海外以海

擢為大學士錢肅樂在舟中以鄭彩

專恣憂憤嘔血聞連江破以頭觸牀而死故相葉向

高會孫進晟葬之福清黃檗山中肅樂

賜諡忠

閩乃謀窺浙東

時沈宸荃棄家從以海于海外以海

節

夏四月提督李成棟叛以廣東附于桂王由榔

成棟本高傑部將以徐州總兵來降從

王師平粵用為提督成棟不樂受總督佟養甲節制常

懷異謀及是金聲桓誘之同反計益決是月十一日

黎明成棟令其兵集教場聲言索餉欲為變成棟請

養甲出城撫輯養甲至衆兵呼噪劫之以叛遂傳檄

各屬遣使附于由榔廣西巡撫耿獻忠聞之亦舉梧

州叛降由榔封成棟惠國公養甲襄平伯以獻忠為

兵部尚書

初大兵破廉州推官張孝起謀以兵拒就獲不屈羈軍中至是脫歸由榔以為

吏科給事中

張孝起吳江人

五月桂王由榔遣兵陷全州

時金聲桓李成棟相繼叛

大兵在湖南者姑退何騰蛟乘間復陷全州遣保昌侯

曹志建宜章侯盧鼎新興侯焦璉新寧侯趙印選等

進攻永州

我

大清兵圍南昌

時征南大將軍都統譚泰等帥師討金聲桓連克九江南康饒州諸府進薄南昌而令別將搜麥源青嵐諸道薄西山未下營血刃已數百里

大兵遂圍南昌聲桓兄成功密約來降宋奎光謀知殺之

大兵攻得勝門城壞數處奎光囊土塞之得不破報至

贛聲桓等大懼撤兵急回贛人掩擊亡其大半至南昌中伏大敗于七里街遂盡撤城外屯兵入城堅壁不出其部將請戰不聽遣所署江西巡按吳尊周乞師于桂王由榔尊周盡匿敗狀但盛誇其強由榔喜以尊周為總督

大兵見聲桓終無出兵意乃用鎖圍法東自王家渡屬灌城西自雞籠山屬生米渡掘濠載版起土城自是

內外耗絕

王得仁自軍敗後不復親督陣方娶武都司女為繼室繡旂親迎金鼓喧還瞭者皆

望而大駭莫疑為己城中糧盡人相食乃大出居民
王雖毛髮婦也

聲桓等情實盡為

大兵所得因以餘暇畧定諸郡縣聲桓等但守空城而

已

時揭重熙傳鼎銓皆聚兵應聲桓由榔以重熙為兵部尚書總督江西兵鼎銓為兵部右侍郎兼翰

林阮侍讀學士重熙以萬餘人犯邵武敗還鼎銓往援聲桓亦敗走大兵克邵昌督師尚書余應桂

死之

傳鼎銓字維衡臨川人余應桂

賜諡忠節

六月桂王由榔至潯州

李成棟請由榔入贛州由榔將赴之瞿式耜請還桂

林疏言駕若東幸軍中將帥謂朝廷樂新復之土成棟亦有邀駕之嫌號令既遠人心渙散臣不能制也再疏令檢討蔡之俊往迎又疏令給事中蒙正發往迎由榔俱不報遂至潯州封潯帥陳邦傳為慶國公邦傳請世居廣西如黔國公故事大學士朱天麟執不允邦傳怒以慶國公印尚方劒擲天麟舟中要必得仍報不允瞿式耜亦持疏劾之會諸臣多爭者邦傳乃止

秋八月桂王由榔至肇慶

瞿式耜慮李成棟挾由榔自專如劉承允事復上疏

力爭由榔乃駐肇慶成棟進謁由榔拜成棟大將軍
以其子元允為錦衣指揮使封南陽伯成棟言式耜
擁戴元臣不宜久在外由榔召式耜式耜願留桂林
終不入然聞政有闕失必具疏力諫嘗曰臣與主上
患難相隨休戚與共不同他臣一切大政自得與聞
由榔雖褒納不能盡從也時由榔諸臣各樹黨從成
棟至者曹華耿獻忠洪天擢潘曾緯毛毓祥李綺白
誇降附功氣陵朝士自廣西從由榔至者朱天麟嚴

起恒王化澄晏清吳貞毓吳其雷洪士彭尹三聘許
兆進張孝起皆自恃舊臣詆斥曹耿等久之復分吳

楚兩黨主吳者天麟孝起貞毓化澄及李用輯堵允
錫萬翱程源郭之奇皆內結馬吉翔外結陳邦傳主

楚者都御史袁彭年少詹事劉湘客給事中丁時魁

蒙正發金堡皆外結瞿式耜內結李元允元允方握

政柄彭年等倚為心腹攬權殖貨勢甚張時人目為

五虎

彭年嘗論事由榔前語不遜由榔責以君臣之義彭年勃然曰倘向者惠國以五千鐵騎鼓行

而西君臣義安在彭年等謀攻去吉翔邦傳權可獨
由擲變色大惡之

擅也令堡疏陳八事劾邦傳十可斬吉翔及中官龐
天壽大學士起恒化澄與焉起恒化澄乞去天麟奏
留之堡與時魁等復相繼劾起恒吉翔天壽無已太
妃召天麟面諭武岡危難賴吉翔左右令擬諭嚴責
堡等天麟為兩解卒未嘗罪言者而彭年等益怒不
止由擲知羣臣水火甚令盟於太廟然黨益固不能

解

冬十月李成棟犯贛州敗走

李成棟駐南雄盡率部衆及尙蠻土寇號稱百萬度

嶺犯贛州以救南昌營柵未立會巡撫劉武元總兵

胡有陞等出擊大敗之成棟單騎走斬首萬餘級俘

獲無算成棟退屯南康縣

李成棟忌佟甲養密請除之桂王由榔命養甲祭其

父桂王常瀛于梧州
道盜邀殺之自少洲

十一月桂王由榔遣兵復陷湖南州縣

何騰蛟遣曹志建等攻永州圍城三月大小三十六

戰遂為所陷未幾桂王由榔監軍御史余鯤起職方
主事李甲春陷寶慶別將陷衡州馬進忠陷常德王
進才李赤心高必正等陷桃源澧州臨武藍山道州
靖州荆門宜城諸州縣湖南地大半復為由榔所據
騰蛟議進兵長沙瞿式耜以機會可乘請由榔還桂
林圖出楚之計不納

我

大清

世祖章皇帝順治六年春正月我

大清兵至湘潭桂王由榔督師大學士定興侯何騰蛟死之

由榔總制堵允錫與馬進忠有隙令李赤心高必
正爭進忠所取常德進忠大怒盡驅居民出城焚廬
舍走武岡寶慶守將王進才亦棄城走他守將皆焚
營潰湖南州縣為一空赤心等所至見皆空城旋棄
走東趨長沙騰蛟時駐衡州大駭乃令允錫向江西
檄進忠由益陽出長沙期諸將畢會而親詣忠貞營

邀赤心入衡部下卒六千人懼忠貞營掩襲不護行
止攜吏卒三十人往將至聞其軍已東即尾之至湘
潭湘潭空城也赤心不守而去騰蛟乃入居之

大兵知騰蛟入空城遣將徐勇引軍入勇騰蛟舊部將
也率其卒羅拜勸騰蛟降騰蛟大叱勇遂擁之去絕
食七日乃殺之諸軍遂散赤心等走廣西

騰蛟
賜諡忠誠

桂王由榔罷其大學士朱天麟等官

陳邦傳許金堡官臨清嘗降流賊受其職且請堡為

已監軍朱天麟因擬諭譏堡堡憤丁時魁乃鼓言官
官十六人詣閣詆天麟至登由榔所居殿大譁棄官
擲印而出由榔方坐與侍臣論事大驚兩手交戰茶
傾於衣急取還天麟所擬而罷天麟遂辭位由榔慰
留再三不可陞辭叩頭泣由榔亦泣曰卿去余益孤
矣初時魁等謂所擬出嚴起恒意欲入署毆之是日
起恒不入而天麟獨自承遂移怒天麟逐之去并逐
其弟為行人兩子為御史中書舍人者天麟移居慶

遠王化澄貪鄙無物望亦為時魁等所攻碎冠服辭

去由榔乃召何吾驕黃士俊入直

吾驕尋亦去由榔復召天麟天麟不

至上疏言今國勢累卵路人皆知而建言者絕不問頃肩一人一事掉頭以爭日我古遺直也今而後請勿以四方無利害者執為極重大事而獨使主上憂社稷其意亦為堡等發也

臣等謹案明自神宗以後科道諸臣懷私逞臆把持朝政黨禍交興桂王崎嶇嶺海事急燃眉乃金堡等猶欲呼朋引類任意恣行甚至搦印喧嘩并髦主上乃兩粵就平堡不能殺身又復詭托縉流造作語言以文其畏死偷生之跡臣等伏讀前後所頒

聖諭仰見我

皇上大公彰燁

燭照靡遺抒忠盡節者雖阻兵犯順而猶曲予
閤揚若進退無據之徒縱獲保首領而

谷戕維嚴亦必追加誅殛是非褒貶一準情理之平所
以維風教正人心

垂訓萬世者至深且切矣
深且切矣

我

大清兵克南昌金聲桓等伏誅

聲桓部將湯執中守進賢門其偏裨約來降

大兵因以厚陣佯攻得勝門礮聲聞三百里聲桓等悉
衆赴之而奇兵已從進賢門登雲梯而上城遂破聲

桓中二矢赴池水死生擒王得仁及宋奎光劉一鵬
郭天才等皆伏誅故明大學士姜曰廣投僕家池死
瑞州臨江袁州諸府皆平

日廣
賜諡忠確

二月我

大清兵至信豐李成棟敗死

成棟再度嶺犯贛州不能克屯兵信豐

大兵既定南昌泝流援贛直趨信豐成棟兵敗諸將欲
拔營歸成棟不可天久雨召諸將議事去者已大半

成棟命酒痛飲既大醉左右挽之上馬渡水水漲人馬俱沈三日後見成棟植立水中始知其死諸營皆潰

大兵追至南雄城下而還桂王由榔以杜永和為兩廣總督駐廣州代成棟間可義守南雄可義尋死以羅成耀代之命瞿式耜以留守督師兼江楚各省兵馬三月我

大清兵克衡州

何騰蛟既死堵允錫乃入衡州與胡一青固守

大兵至戰敗一青走廣西允錫走桂陽

大兵遂入衡州初李赤心之入廣西也緣道淫掠龍虎
關守將曹志建惡之并惡允錫或說志建允錫將召
忠貞營圖志建志建夜發兵圍允錫殺從卒千餘允
錫及子逃入富川猿峒志建索之急徭潛送允錫於
監軍僉事何圖復問關達梧州會桂王由榔遣嚴起
恒劉湘客輯忠貞營至梧而赤心等已走賓橫二州

州乃載允錫謂由榔於肇慶志建遷怒圖復誘殺之

闔門俱盡

臣等謹案明季兵政廢弛上無約束任其縱肆或緣道淫掠或索金鼓譟卒至闔獻橫行無一人足資禦侮者況復粵西假息子遺幾何諸將如郝永忠者赤心等尚復絕兵焚劫曾志建且請殺職官闔門俱盡武臣恣橫絕律蕩然亦由習見崇禎時之悍將驕兵而貽害遂至於此極也

我

大清兵克福安

魯王以海大學士劉中藻既陷福寧旋移駐福安固

守不下至是

大兵破城中藻冠帶坐堂上為文自祭吞金屑死時以海已盡失閩地鄭彩見事勢窮威遂棄以海去張名

振阮進奉以海遁居南田

劉中藻
賜謚烈愍

夏四月孫可望遣使求封於桂王由榔

可望既得雲南故明在籍御史臨安任僕議尊可望為國主以千支紀年鑄興朝通寶錢而李定國劉文秀故可望同輩一旦自尊兩人不為下可望以事杖

定國演武場欲以威衆孫李益有隙可望聞桂王由榔在肇慶李錦等並加封爵念得朝命加王封庶可相制議遣使奉表楊畏知亦素以尊主為言乃遣畏知及永昌故兵部郎中龔彝赴肇慶進可望表請王封由榔大學士嚴起恒給事中金堡等皆持不可畏知曰可望欲權出劉李上爾今晉之上公而卑劉李侯爵可也乃議封可望景國公賜名朝宗定國文秀皆列侯遣大理寺卿趙昱為使加畏知兵部尚書彝

兵部侍郎同行時堵允錫駐梧州

先是允錫至肇慶結歡馬吉翔欲圖

李元允由榔不悅丁時魁金堡又論其喪允錫曾賜

師失地由榔因令其總統兵馬移駐梧州

空敕得便宜行事豈就與謀允錫念李赤心等不足

恃欲遙結可望為強援矯命改封平遼王易敕書以

往

允錫尋至潯州自恨發病卒

武康伯胡執恭者慶國公陳邦傳

中軍也守泗城州與雲南接亦欲自結可望言於邦

傳先矯命封可望秦王曰藉其力可制李赤心也邦

傳乃鑄金章曰秦王之寶填所給空敕令執恭齋行

可望大喜郊迎亡何畏知等至可望駭不受曰我已封秦王矣畏知曰此偽也執恭亦曰彼亦偽也其時桂王所封寶景國公敕印故在可望怒辭敕使下畏知及執恭獄

秋七月桂王由榔遣兵犯南安敗走

桂王由榔遣兵度嶺犯南安別分兵兩路窺信豐逼

崇義

大兵會擊奪其木城大破之

八月我

大清兵定湖南

定遠大將軍鄭親王濟爾哈朗等帥師克辰州進攻
寶慶王進才馬進忠等戰敗遁去分兵定沅州靖州
守將皆望風棄城走至永州周金湯熊兆佐等立柵
大松橋拒戰敗之下其城復克黎平府郝永忠奔永
從縣

大兵躡其後永忠返戰擊破之永忠攜妻子潛遁

九月魯王以海遁入舟山

以海以七月中至健跳所

大兵圍之會阮進救至得解去時張肯堂方以私財募
兵海上以海貽肯堂書云將北還舟山約肯堂共事
至是以海遂遣張名振阮進合軍討斬黃斌卿入居
舟山以肯堂為大學士吳鍾巒為禮部尚書

冬十二月我

大清兵克南雄

平南王尚可喜靖南王耿繼茂等帥師征廣東除夕
潛兵襲南雄桂王由榔守將江起龍倉皇棄城去羅
成耀方駐韶州聞之亦棄輜重走高州

我

大清

世祖章皇帝順治七年春正月我

大清兵克韶州桂王由榔奔梧州

是月六日

大兵下韶州由榔聞庾闕不守大懼急登舟走梧州加
馬吉翔兵部尚書與南陽伯李元允督守肇慶瞿式
耜馳疏請留不聽陳邦傳謁由榔梧州以其將茅守
憲率兵入衛

二月桂王由榔下其給事中金堡等獄

堡等既連逐大臣勢益橫戶部尚書吳貞毓等欲排
去之畏李元允為援不敢發會由榔走梧州元允留
肇慶陳邦傳適遺兵人衛貞毓郭之奇萬翱程源乃

合諸給事御史劾袁彭年劉湘客丁時魁蒙正發及
堡等五人把持朝政罔上行私罪由榔以彭年有歸

附功免議下堡等錦衣獄杖之大學士嚴起恒跪由

榔舟力請留守大學士瞿式耜上疏論救皆不納命

法司定議堡以語觸時忌與時魁並謫戍湘客正發

贖配追賊

由榔再召朱天麟天麟疏言年來百爾搆
爭盡壞實事皆宋高宗航海猶有退步今

則何地可退當奮然自將文武諸臣盡探甲冑臣亦
抽峒丁擇土豪募水手經畧嶺北湖南為六軍倡若

徒責票疑以為主持政本今政本安在乎時
大兵日逼由榔不能從但召天麟入直進官而已

我

大清兵圍廣州

時李赤心已死養子來亨代領其衆推高必正為主
大兵圍廣州桂王由榔命陳邦傳與必正東援邦傳故
與李元允有隙意在修怨又憾必正等之屢擾其境
也陰令副將姚春登等連結士司會來亨等調兵土
司遂相讐殺必正怒而歸邦傳駐清遠馬吉翔駐三
水俱不敢進廣州城守久李元允弟建捷拒戰甚力

由榔封為安肅伯

我

大清兵克全州

平南王孔有德帥師征廣西曹志建戰敗

大兵入龍虎關馬進忠復敗於瓜里走入武岡桂林大震百姓苦諸鎮鈔掠競迎

王師長驅入全州開國公趙印選居桂林衛國公胡一青守榕江與寧遠伯王永祚皆懼不敢出

大兵遂入嚴關無一禦者

夏六月桂王由榔罷其大學士嚴起恒官尋召還

起恒潔廉遇事持平與馬吉翔龐天壽共患難久無
所忤五虎憾起恒詆為邪黨及五虎得罪起恒反力
救吳貞毓等惡之乃請召還王化澄而合攻起恒給
事中雷德復劾其二十餘罪比之嚴嵩由榔不悅奪
德復官起恒力求罷由榔輓留之不得放舟竟去會
鄖國公高必正入朝貞毓欲藉其力以傾起恒言朝

事壞於五虎主之者起恒也公入見請除君側奸數
言決矣必正許之有為起恒解者謂必正曰五虎攻
嚴公嚴公反救五虎此長者奈何以為奸必正見由
榔乃力言起恒虛公可在請由榔手敕邀與俱還
孫可望復遣使求封於桂王由榔

可望欲真得秦封不受景國公命遣使至梧州問故
由榔始知矯詔事瞿式耜上疏請斬胡執恭不納馬
吉翔議封可望潯江王使者言非秦不敢復命大學

士嚴起恒持不可兵部侍郎楊鼎和

江安人

給事中劉

堯珍

鎮雄人

等助之且請却所獻白金玉帶時高必正

尚在梧州因召使者言本朝無異姓封王例我蕩覆
北京蒙恩宥赦亦止公爵爾張氏竊據一隅封上公
足矣安敢冀王爵自今當與我同心報國洗去賊名
毋欺朝廷孱弱我兩家士馬足相當也又致書可望
詞義嚴正使者唯唯退議遂寢可望不得封益怒
秋九月孫可望率兵至貴州

可望由雲南東襲貴州匡國公皮熊走清浪衛追執之奪其兵又遣白文選攻破遵義忠國公王祥自刎死降其衆二十餘萬張先璧馬進忠皆歸於可望勢益強

孫可望遣兵據嘉定

初桂王由榔遣李乾德入蜀自巡撫進尚書經畧川湖雲貴軍務乾德察諸將惟袁韜最勇悍可用乃說之攻佛圖關取重慶亡何諸將大會韜以位高坐李

占春上占春怒并怒乾德欲襲取之乾德占星氣有

異走匿山谷間占春襲韜不克搜乾德船取其弩而

返尋還之諸將益相猜韜及武大定久駐重慶食盡

乾德說嘉定楊展與大定結為兄弟資之食已而乾

德利展富構韜殺之分其貲蜀人咸不直乾德可望

聞展死將圖蜀乃為展訟寃使王自奇將兵由川南

進而別遣劉文秀度金沙河出黎州趨嘉定韜大定

方拒自奇於川南撤師還救自奇尾擊之韜大定大

敗悉被擒嘉定陷乾德以其父死於流賊也曰吾不

可再辱驅家人與其弟御史升德俱赴水死

乾德
賜諡

忠節

升德

賜諡
節愍

秀兵復東譚宏譚詣譚文盡降乃遣

盧名臣下涪州占春敗走于大海在忠州知不支引
兵出夔入楚與占春來降於

王師文秀遂據蜀

冬十一月我

大清兵克廣州

廣州城三面臨水李成棟在時復築兩廣附于城外
為砲臺水環其下

大兵攻圍十閱月不下杜永和偏將范承恩約內應決
砲臺之水

大兵藉薪徑渡遂得砲臺是月二日克其城承恩來降
永和由海道奔瓊州

我

大清兵克桂林桂王由榔留守大學士臨桂伯瞿式耜等

死之

王永祚胡一青俱以領餉入桂林榕江一帶皆空壁
大兵益深入是月五日式耜檄趙印選出城為戰守計
不肯行再趣之則盡室逃一青及武陵侯楊國棟綏
寧伯蒲纓寧武伯馬養麟亦逃去永祚迎降城中無
一兵式耜端坐府中家人亦散部將戚良勛請式耜
上馬速走式耜堅不聽叱退之適兵部侍郎總督諸
路軍務張同敞

同敞以式耜薦為總督有文武才每
出兵輒躍馬為諸將先或敗奔同敞

危坐不去諸將復還戰
或取勝軍中以此服之

自靈川至見式耜式耜曰我

為留守當死此子無城守責盍去諸同故正色曰昔
人恥獨為君子公顧不許同故共死乎式耜喜取酒
與飲一老兵侍式耜令召中軍徐高付以敕印屬馳
送桂王由榔是夕兩人秉燭危坐達旦黎明數騎至
式耜曰吾兩人待死久矣遂與偕行至則踞坐於地
諭之降不從令為僧亦不從乃幽之民舍兩人雖異
室聲息相聞日賦詩倡和得百餘首閱四十餘日將

就刑式耜從容肅衣冠南向拜訖與同敬並死同敬

屍植立首墜躍而前者三人皆辟易

式耜忠宣同敬

賜諡

賜諡

忠烈

桂王由榔奔南寧

由榔至潯州亂卒夜掠街市火光燭天由榔亟解維
衝雨而去陳邦傳在清遠飛帆先歸邀劫從官于滕
江殺部郎潘駿觀童英許王鳳等由榔踉蹌至南寧
胡一青趙印選率兵駐賓州

我

大清兵克平樂

大兵由灌陽至平樂桂王由榔征西將軍朱旻如

臨桂人

固守城破旻如殺其妻子自刎死焦璉方往禦鎮峽

聞聞之遂走梧州

旻如賜諡烈愍

我

大清

世祖章皇帝順治八年春二月我

大清兵克肇慶高州梧州柳州諸府

總兵許爾顯克肇慶及羅定州徐成功克高州綠國
安馬蛟麟克梧柳二州桂王由榔南陽伯李元允安
肅伯李建捷自肇慶走南寧尋請出靈山收高雷兵
復擾廣東郡縣

孫可望遣兵至南寧迎桂王由榔遂殺其大學士嚴起
恒等

由榔走南寧見事急乃遣編修劉荏封孫可望冀王

可望仍不受楊畏知曰秦冀等爾假何如真可望不

聽李定國等勸可望遣畏知終其事可望許之先遣

部將賀九儀張勝張明志等率勁卒五千迎由榔九

儀直上巖起恒舟怒目攘臂問王封是秦非秦嚴起

恒曰君遠迎主上功甚偉朝廷當有隆恩若專問此

事是挾封非迎主上也九儀怒格殺之投屍于江遂

殺給事中劉堯珍吳霖

歙縣人

張載述

涇縣人

追殺兵部

尚書楊鼎和於崑崙關皆以阻封議故

起

恒鼎

和俱

賜諡忠

節亮珍霖載述俱
賜諡烈愍 朱天麟力勸由榔從可望請赴雲

南諸臣以起恒被殺皆不可乃命天麟經畧左右兩
江土司而真封可望為秦王畏知旋至痛哭自劾語
多侵可望由榔因留為東閣大學士與吳貞毓同輔
政可望聞之怒使人召至貴陽面責數之畏知大憤
除頭上冠擊可望遂被殺楚雄人立祠以祀
畏知賜諡忠

節

三月我

大清兵克嘉定

劉文秀既據蜀旋還雲南劉白文選守嘉定劉鎮國
守雅州至是

大兵南征文選鎮國戰敗挾曹勛遁走

王師遂入嘉定桂王由榔巡撫川南僉都御史范文光
賦詩一章仰藥死巡撫川北僉都御史詹天顏兵敗
于右泉就執不屈死

總督尚書樊一蘅時已謝事避
山中至九月亦遇疾死 范文

光詹天顏俱

賜諡忠節

夏四月桂王由榔遣其大學士文安之督師四川為孫可望所阻不果行

安之應由榔召至梧州從赴南寧以

大兵日迫而雲南又為孫可望所據不可往念川中諸鎮兵尚強欲結之為援乃自請督師加諸鎮封爵由榔從之加安之吏兵二部尚書總督川湖諸處軍務賜劔便宜從事進諸將王光興郝永忠劉體仁袁宗第李來亨王友進塔天寶馬雲翔郝珍李復榮譚宏

譚詣譚文黨守素等公侯爵即令安之齎敕印行可望聞而惡之遣兵伺於都勻邀止安之追奪光興等敕印留數月乃令入湖廣安之遠客他鄉無所歸復赴貴州將趨謁由榔可望誣以罪戍之畢節衛

秋八月我

大清兵克舟山魯王以海遁入海

都統金鵬劉之源總督陳錦提督田雄等會師討舟山以大艦乘潮出洋至蛟門魯王以海遣阮進拒戰

敗死

進諡烈愍

賜

大兵乘天霧集螺頭門守陴者方覺定西侯張名振兵部尚書張煌言奉以海航海去屬大學士張肯堂城守城中兵六千居民萬餘堅守十餘日

大兵掘地道破其城肯堂衣蟒玉南向坐令四妾二子婦一女孫先死乃從容賦詩自經一時同死者兵部

尚書李向中

鍾祥人

以下凡二十一人

大帥召向中不赴發兵捕之以

哀經見大帥呵之曰聘汝不至捕即至何也向中從容曰前則辭官今就戮爾遂死之禮部尚書吳鍾璽

常往來普陀山

大兵至寧波鍾鑾慷慨謂人曰

昔仲達死當禍吾以諸生不得死君常死賊難吾以

遠臣不得從死今其時矣乃急渡海入昌國衛之孔

廟積薪左廡下抱孔子木主自焚死仲達者鍾鑾弟

子李應昇君常者鍾鑾友馬世奇也左都督張名揚

乃名振弟與其母范以下數十人皆自焚死吏部侍

郎上海朱永佑安洋將軍上元劉世勲通政司會稽

鄭遵儉兵科給事中鄞縣董志寧兵部郎中江陰朱

義時戶部主事福建林瑛蘇州江用楫禮部主事會

稽董元兵部主事福建朱萬年長洲顧珍臨山衛李

開國工部主事長洲顧中堯中書舍人蘇州蘇兆人

工部所正鄞縣戴仲明定西侯參謀順天顧明楫諸

生福建林世英內官監太監劉朝俱不屈死開國母

瑛明楫妻皆目盡錦衣指揮王朝相聞城破護以海

妃陳氏貴嬪張氏義陽王妃杜氏入井用巨石覆之

自刎其旁肯堂賜諡忠穆鍾鑾賜諡忠

烈向中志寧

賜謚忠節永佑世勲名揚朝相俱

賜謚烈愍遵倫養時瑛用楫元萬年珍開國中

堯兆人仲明俱

賜謚節愍

以海漂泊無所歸犧

明楫世英俱

賜祀忠義祠

舟南日山颶風大作其大學士沈宸荃沒於海

宸荃

賜謚

忠節

九月我

大清兵克潯州

定南王孔有德率師駐賓陽遣總兵線國安等分路
畧定廣西郡縣桂王由榔慶國公陳邦傳在潯州宣

國公焦璉兵敗走武靖邦傳邀與俱降璉不從邦傳
殺之函其首遣使以得南之地及所部兵來降

璉

賜

諡烈
愍

冬十一月魯王以海遁居金門

以海舟次巖頭鄭成功移之金門禮待頗恭以海既
失其衆乃自去監國號遣使間道奉表於桂王由榔
久之張名振亦卒成功事以海益懈以海積不能平
將往南澳成功使人沈之海中

張煌言自以海死後
散遣部曲遁居懸壘

為大兵所執諭降不從戮
於杭州煌言
賜諡忠烈

十二月桂王由榔奔廣南

孫可望既移駐貴陽議移由榔自近挾以作威其將
掌塘報者曾延生基由榔大學士吳貞毓言不可移
黔至是

大兵盡定廣西諸府南寧危迫由榔召諸臣共議有請
走海濱依李元允者有議入安南避難者有議泛海
抵閩依鄭成功者惟馬吉翔龐天壽結可望堅主赴

黔貞毓入廷生言不敢決元允疏請出海由榔不欲就可望而以海濱遠再下諸臣議終不決亡何開國公趙印選衛國公胡一青殿後軍戰敗奔還請由榔速行急由水道走土司抵瀨湍二將報

大兵益近相距止百里上下失色皆散去已次羅江土司追騎相距止一舍會日晡引去乃稍安次龍英抵廣南歲已暮矣

大學士朱天麟扶病追從由榔以明年四月始抵廣南病篤不能入見卒

於西
坂村

欽定四庫全書

御批歷代通鑑輯覽

御批歷代通鑑輯覽卷一百十九

欽定四庫全書薈要

御批歷代通鑑輯覽卷一百二十

附明唐桂二王本末

桂王三

壬辰我

大清

世祖章皇帝順治九年春二月孫可望刼遷桂王由榔于安隆所
可望遣兵還由榔入居安隆所改為安龍府可望
歲以銀八千兩米百石為供從官皆取給焉宮室庫

陋服御粗惡守護將承可望意無復人臣禮由榔不堪其憂時馬吉翔掌戎政龐天壽督勇衛營俱諂事可望惡大學士吳貞毓不附已令其黨冷孟鉉吳象元方祈亨交章彈擊且語孟鉉等曰秦王宰天下我具啟以內外事盡付戎政勇衛二司大權歸我公等為羽翼貞毓何能為吉翔遂遣門生郭璘說主事胡士瑞

進賢人

擁戴秦王士瑞怒厲聲叱退之他日吉翔遣璘求郎中古其品畫堯舜禪受圖以獻可望其品

拒不從吉翔譖于可望杖殺其品而可望果以朝事

盡委吉翔天壽於是士瑞與給事中徐極

江西人

員外

郎林青陽

新寧人

蔡縝

九江人

主事張鐫

寧國人

連章發其

奸謀由榔大怒兩人求救于太妃乃免

夏五月李定國犯湖南

定南王孔有德率輕兵出河池向貴州以

大軍駐柳州接應孫可望乃謀入犯使李定國馮雙禮

由黎平出靖州馬進忠由鎮遠出沅州會於武岡以

圖桂林劉文秀張先壁由永寧出叙州白文選由遵義出重慶會於嘉定以圖成都可望言於由榔封定國西寧王文秀南康王定國進攻靖沅武岡俱陷之有德還守桂林

我

大清兵襲桂王由榔總督尚書揭重熙於廣信殺之

先是金聲桓既伏誅江西諸軍盡散獨總兵張自盛衆數萬走閩重熙入其軍約廣信曹大鎬刻期竊發

兵部侍郎傅鼎銓亦往來兩家軍中自盛掠邵武戰
敗就擒鼎銓為廣信守將所執繫南昌獄諭降不從
死

事在順治八年

至是重熙率數十人赴大鎬於百丈礮適

大鎬還軍鉛山惟空營在衆就營炊食

大兵偵得之率衆至射重熙中項執至建寧下之獄重
熙覓死具不得日整衣冠拜呼祈死及就刑昂首受
刃顏色不改大鎬尋亦敗死自是江右之阻兵抗命

者盡矣

重熙

賜諡忠烈鼎銓以曾

降流賊

初節

有虧廷議不予諡

六月我

大清兵克高雷廉瓊諸府

我

大兵自雷州進抵廉州遣將攻欽州靈山桂王由榔南
陽伯李元允為土兵執送軍前不順命與弟建捷俱
斬于市遂克瓊州杜永和來降巡撫高雷廉瓊四府
右僉都御史張孝起走避龍門島島破就執不食七

日死

孝起
賜諡忠節

秋七月李定國陷桂林

李定國由西延大埠疾趨而進

大兵遇於全州不利定國薄桂林驅象來攻城遂陷定

南王孔有德自經定國獲陳邦傳及其子曾禹去其

皮而殺之傳屍安隆

桂王由榔御史李如月劾孫可望不請旨擅殺勦鎮罪同莽操

而請加邦傳惡諡

以懲不忠由榔知可望必怒留其疏召如月入諭以諡本褒忠無惡諡理小臣妄言亂

制杖四十除名意將解可望而可望大怒遣人至由

榔所執如月至朝門外抑使跪如月憤甚極口大罵

其人遂剔其皮斷其手足及首實草皮內紉

定國分

之懸于通衢

如月東莞人

賜諡烈愍

兵犯廣西郡縣梧州柳州相繼陷又遣白文選攻陷
辰州總兵徐勇戰歿

冬十月孫可望遣兵犯四川

可望遣劉文秀等入四川進據成都

大兵退守保寧文秀等悉衆來攻直薄城下連營十五
里

大兵迎擊大敗之斬其將王復臣

十一月我

大清兵擊敗李定國于衡州

定遠大將軍敬謹親王尼堪等帥師南征次湘潭馬
進忠等遁去

大兵遂進去衡山縣三十里擊退其衆兼程趨衡州方
列陣定國兵已至

大兵奮力衝擊定國兵敗走斬獲無算敬謹親王自率
精騎追之遇伏歿于陣定國乃收兵退屯武岡

已
我

大清

世祖章皇帝順治十年春二月李定國自湖南遁走廣西

定國既連陷楚粵諸郡兵力益強不復稟孫可望約束可望忿甚會定國敗于衡州可望使人召之赴沅州議事將以為罪而殺之定國覺其意辭不行至是定國率馬進忠等犯永州定遠大將軍多羅貝勒吞齊等帥師自衡州進擊未至定國已遁度龍虎關而去遂入廣西時

大軍已克復桂林府定國乃據柳州

三月我

大清兵擊敗孫可望於寶慶

可望自率兵追李定國由靖州進次寶慶

大兵偵知之自永州迎擊與馮雙禮等遇於周家坡雙
禮營山頂據地險與

大兵相拒可望帥前軍乘夜至與雙禮合明日率衆下
山來犯

大兵分路奮擊可望大敗斬馘甚衆可望遁還貴州盡殺明宗室之在黔者

夏李定國犯廣東

孫可望憾李定國益甚然以其將兵在外不敢輕樹敵仍厚養其妻子於雲南定國亦防可望襲之益思據地自固乃與馬寶由懷集犯廣東攻圍肇慶

大兵自廣東來救敗之四會河口定國移兵犯平樂陷之府江道周永緒平樂知府尹明廷等遇害又攻高

州廉州雷州諸府亦俱為所陷

秋桂王由榔遣使於李定國

先是由榔在安隆塗葦薄以自蔽日食脫粟窮困備至而前御史任僕中書方于宣等屢勸進於孫可望

可望遂自設內閣六部等官

可望初欲設六部翰林官慮人議其僭乃以范

鏞馬兆義任僕萬年策為吏戶禮兵尚書並加行營之號後又以程源代年策而僕最寵屢勸可望僭號可望令侍由榔入黔議之由榔久駐安隆可望乃自設內閣六部官以文安之為東閣大學士安之不為用走川東依劉體仁等以居立太廟定朝儀改印文為八疊畫易

其舊由榔聞之憂懼密謂中官張福祿全為國曰聞李定國已定廣西軍聲大振欲密下一敕令統兵入

衛若等能密圖乎二人言徐極林青陽張鐫蔡縝胡士瑞曾疏劾馬吉翔龐天壽宜可與謀由榔即令告

之五人許諾引以告大學士吳貞毓貞毓曰主上憂

危正我輩報國之秋諸君中誰能充此使者青陽請

行乃令佯乞假歸葬而使員外郎蔣乾昌

晉江人

撰予

定國敕主事朱東旦

四川人

書之福祿等持入用寶青

陽于歲盡問道馳至定國所定國接敕感泣許

以奉迎然以兄事可望久未敢輕發

事在順治九年

至

是青陽久未還由榔將擇使往促貞毓以翰林

孔目周官

臨川人

對都督鄭允元

歙縣人

曰吉翔晨

夕在側假他事出之外廡有濟由榔乃令吉翔

奉使祭桂王常瀛及太妃墓于梧州南寧而遣

周官詣定國時青陽亦已還至南寧為守將常

榮所留密遣親信劉吉告由榔由榔喜改青陽

給事中諭貞毓再撰敕鑄屏翰親臣金印令吉
還付青陽至廉州周官與青陽遇偕至高州賜
定國定國拜受命

甲辰
我

大清

世祖章皇帝順治十一年春三月孫可望遣人劫桂王由榔
殺其大學士吳貞毓等

馬吉翔之出使也在道微知林青陽密敕事遣人至

李定國營偵之主事劉議新者道遇吉翔意其必預

謀也告以兩使齎敕狀吉翔驚駭啟報孫可望可望

大怒并疑吉翔預謀遣其將鄭國赴南寧逮之會張

鐫胡士瑞李元開

善化人

以由榔親試蔡續徐極朱東

旦及御史林鍾

湖廣人

以久次皆予美官龐天壽及吉

翔弟都督雄飛忌甚與其黨郭璘方謀陷之而鍾續

極鐫士瑞亦知事洩倉皇劾吉翔天壽表裏為奸由

榔見事急即下廷臣議罪天壽懼與雄飛馳赴貴陽

告可望而鄭國亦已械吉翔至安隆與諸臣面質貞
毓謝不知國怒因挾貞毓直入由榔所居迫脅由榔

索主謀者由榔懼不敢正言謂必外人假敕寶為之

國遂努目出械貞毓并允元鍾繡元開極鑄士瑞東

旦蔣乾昌及太僕少卿趙賡禹

袁州人

御史周允吉

錢塘

人朱議展

南昌人

員外郎任斗墟

鄞縣人

主事易士佳

廬陵

人繫私室又入由榔所居擒福祿為國而出其黨冷

孟鉞蒲纓宋德亮朱企鰲等迫由榔速具主名由榔

悲憤而退朔日國等嚴刑拷掠獨貞毓以大臣免衆
不勝楚大罵時日已暮風雷忽震烈續厲聲曰今日
續等直承此獄稍見臣子報國苦衷由是衆皆自承
國又問曰主上知否續大聲曰未經奏明乃復收繫
以欺君悞國盜寶矯詔為罪報可望可望請由榔親
裁由榔不勝憤下諸臣議吏部侍郎張佐辰及纓德
亮孟鉉企鋁蔣御曦等謂國曰此輩盡當處死倘留
一人將為後患於是御曦執筆佐辰擬旨以鐫福祿

為國為首罪凌遲餘為從罪斬由榔以貞毓大臣言
於可望罪絞諸臣就刑神色不變各賦詩大罵而死
其家人合瘞於安隆北關之馬場已而青陽逮至亦

被殺獨周官走免

貞毓

賜諡忠節青陽鐫士瑞

元開續極東旦鍾允元乾昌賡禹

允吉議屨斗墟士佳

俱

賜諡烈愍

冬十月李定國陷高明

李定國兵猝至陷高明進圍新城城中糧盡殺馬為
食平南王尚可喜靖南王耿繼茂率師往援次三水

靖南將軍珠瑪喇等亦至合兵進擊敗之于珊州斬其副將一人既抵新會定國據險以拒

大兵奮擊奪其山殲獲甚衆定國大敗遁去

乙未
我

大清

世祖章皇帝順治十二年春三月李定國遁走南寧

定國自新會敗走

大兵追擊及于興業縣境又蹙之橫州江屢敗之定國

焚橋而去

大兵躡之定國率殘兵自賓州走南寧廣東高雷廉等
三府三州十八縣及廣西橫州等二州四縣悉平
夏六月孫可望遣兵犯常德敗走

可望遣劉文秀盧明臣馮雙禮等率衆六萬船千餘
艘分兵由常德攻岳州武昌而文秀自留攻常德

大兵設伏邀擊之焚獲戰艦甚多賊衆大敗明臣赴水
死雙禮被重創走降其將四十餘人文秀遁還貴州

丙我

大清

世祖章皇帝順治十三年春二月李定國走安隆以桂王由榔
奔雲南

大兵至南寧李定國戰敗將由安隆走滇孫可望傾知
之使白文選促由榔移黔文選雖為可望用然心不
直其所為因以情告白榔曰姑遲行候西府至西府
謂定國也定國至安隆文選歸之共奉由榔自安南

衛走雲南時守滇者為劉文秀王尚禮王自奇賀九
儀文秀數怨可望遂私迓定國迎由榔入滇居可望
署中由榔封定國晉王文秀蜀王文選鞏昌王尚禮
等皆封公令文選還黔慰諭可望可望衛其貳於定
國也悉奪所部兵羈之軍中然以妻子在滇未敢遽
與由榔為難也

桂王由榔以其文安侯馬吉翔入閣辦事

李定國既奉由榔至滇即捕馬吉翔及其家人令步

將靳統武繫將殺之吉翔曰媚統武定國客詣統

武吉翔復媚之因相與譽吉翔於定國而微為辨寃

定國召吉翔入謁即叩頭言王再造功千古無兩吉

翔幸望見顏色死且不朽他是非何足辨也定國乃

大喜吉翔因日諂定國客令說定國薦已入內閣遂

與定國客蟠結盡握中外權寵天壽亦復用事定國

與劉文秀時詣二人家光祿少卿高勣

字無功
紹興人

御史

鄔昌期

都勻人

患之合疏言二王功高望重不當往來

權倖之門恐滋奸弊復蹈秦王轍疏上定國文秀遂
不入朝吉翔激由榔怒命各杖一百五十除名定國
客金維新走告定國曰勣等誠有罪但不可有殺諫
官名定國即偕文秀入救乃復官

丁我

大清

世祖章皇帝順治十四年秋九月孫可望以兵攻桂王由榔于
雲南與李定國戰可望敗走遂降于我

大清

是年春由榔遣張虎送可望妻子還黔可望遂舉兵
反由榔然人心多不直可望部下諸將皆願歸李定
國馬進忠等說可望請以白文選為大將可望從之
乃留馮雙禮守貴州而以文選統諸軍前行李定國
劉文秀帥師禦之是月至三岔河與可望夾水而軍
文選輕騎奔定國可望遣張勝馬寶由尋甸間道襲
雲南而自將勁卒擊定國戰方合其將馬惟興先走

一軍瓦解可望狼狽奔回定國恐會城有失遣文秀
追之而自引兵先還遇張勝于渾水塘擒而殺之
馬寶亦歸定國可望至貴州馮雙禮給言追兵且
至可望知人心已散遣其將程萬里赴

大軍納款可望行至沙子嶺總兵楊武追襲幾殆賴
大兵馳援方免可望遂挈妻子至長沙來降雙禮截其
子女玉帛與文秀同歸雲南由榔封雙禮慶陽王進
忠漢陽王惟興等進爵為公

臣等謹案孫可望本獻忠餘孽既乃臣事桂王還
求爵命而又稱兵挾制反戈相向

所

是始以窮蹙來歸跡其反覆不常實為險賊之尤
者當日因其新附量行封賞近史館以可望列傳進

呈

特命削除世職

權衡予奪實協好惡之至公足知稔惡者雖及身倖免
而王鈇所被大義必伸於千古也夫

戊戌我

大清

世祖章皇帝順治十五年夏五月我

大清兵平貴州

寧南靖寇大將軍宗室羅託等由湖南平西大將軍
平西王吳三桂等由四川征南將軍趙布泰等由廣
西分兵三路入黔時劉文秀已死李定國使劉正國
揚武守三坡紅關諸要隘以防蜀馬進忠守貴州會
其將王自奇關有才貳於定國定國自將擊之楚師
自鎮遠入定國不及援粵師亦盡下南丹那地獨山
諸州會於貴陽進忠遁去貴州平

六月我

大清兵克遵義

蜀師至三坡劉正國拒戰大敗自水西奔回雲南

大兵遂克遵義

初李定國既敗孫可望兵自以為無他患武備盡弛高勳與郎官金簡進諫曰

今內難雖除外憂方大而我酣歌漏舟之中熟寢蓐薪之上能旦夕安耶二王老子兵事胡泄泄如此定國愬之桂王由榔語頗激由榔欲杖二臣以解之諸臣多爭不可移時未決而三路敗兵至定國始逡巡引謝二臣獲免

金

簡字萬藏山陰人

冬十二月我

大清兵入雲南李定國敗走桂王由榔奔永昌

時三路

大兵俱集貴州安遠大將軍信郡王多尼至軍會于平
越府之楊老堡戒期入滇李定國與馮雙禮等扼雞
公背圖侵貴州使白文選守七星關立營窺遵義以
牽蜀師蜀兵出遵義趨天生橋由水西直取烏撒文
選懼棄關走霑益州粵兵至盤江敵據險沈船不得
渡泗城土知府岑繼祿獻策從下流潛師宵濟遂入
安隆定國使其將吳子聖拒戰潰走定國以全軍據

雙河口

大兵擊之破其象陣又連敗之羅炎涼水井定國大營
妻子俱散失諸將各敗走不相顧定國撤寨遁歸桂
王由榔將出奔行人任國璽福建人獨請死守由榔合
諸臣議定國等言行人議是但前途尚寬今暫移蹕
捲土重来再圖恢復未晚也由榔遂走永昌

臣等謹案桂王入滇以後已無地自
存李定國等釜底游魂尚敢抗我

王師冀藉

天討臣等因史文之舊書之為賊乃蒙我

皇上中正持衡

特命改書敵字俾殷餘頑梗不與闖獻同科

筆削公平折衷至當

大聖人之心真與天地同符矣

己亥
我

大清

世祖章皇帝順治十六年春正月我

大清兵克雲南桂王由榔奔騰越

是月三日

大兵自普安州入雲南省城永昌警報日至由榔復走

騰越

二月我

大清兵克永昌桂王由榔奔緬甸

白文選自霑益追及李定國定國留之斷後至玉龍關

大兵追擊之文選戰敗由右甸遁走木邦

大兵克永昌渡潞江定國設伏於磨盤山

大兵覺之分精甲先蹂伏處定國不能支退走騰越遣

總兵靳統武率兵四千從由榔時李國泰馬吉翔輜重多恐遭劫奪促由榔夜走南甸兵馬過處火光燭天右轉左旋天明仍在故處統武棄由榔仍歸定國由榔抵囊木河是為緬界緬人勒從官盡去兵器方許入境至蠻暮土司緬人以四舟迎之從官皆自覓江舟隨行者六百四十餘人陸行者自故岷王子而下九百餘人期會於緬甸

昆明諸生薛大觀聞由榔入緬甸歎息曰不能背城

戰君臣同死社稷顧欲走蠻邦以苟活不重可羞耶遂與其妻及子之翰夫婦偕赴城北黑龍潭死其侍

女抱幼子從之次日諸屍相牽浮水上幼子在侍女懷中兩手堅抱如故大觀次女已適人避兵山中相去數十里同
日赴火死

夏五月緬人置桂王由榔于赭硯以兵防之

初由榔至井亘其羣臣沐天波等謀奉之走戶臘二河不聽緬人邀大臣過河面議以冊寶視神宗時差疑以為假天波出黔國公印對同乃信因請由榔救關上無得納漢兵是月四日緬復以舟迎由榔明日發井亘行三日至阿瓦阿瓦者緬酋所居城也又

五日至赭磴始知前陸行者盡被緬人掠為奴多自
殺惟岷王子等八十人流入暹羅緬人於赭磴置草
屋居由榔以竹為城從行諸臣或短衣跣足與緬婦
相貿易為笑樂大為緬人嗤

秋八月我

大清兵定四川

初李赤心養子來亨等久竄廣西其衆食盡且懼

大兵進討率衆走川東分據川湖間耕田自給川中舊

將王光興譚宏等附之衆猶數十萬桂王由榔大學士文安之因率來亨及劉體仁袁宗第等十六營由水道襲重慶會譚宏譚詣殺譚文諸將不服安之欲討二人二人懼率所部降於

大兵諸鎮遂散安之亦卒至是

大兵進取川南克叙州馬湖二府總兵杜之香降成都餘黨聞風逃遁

大兵追至新津斬溺無算全川底定於是獻忠餘孽之

擾蜀者亦盡矣

桂王由榔令其黔國公沐天波以臣禮見緬酋

緬俗以中秋日大會羣蠻其酋欲誇示諸國請天波
過河令椎髻跣足用臣禮見天波不得已從之歸泣
告衆曰我所以屈辱者懼驚憂主上耳否則彼將無
狀我罪益大任國璽與禮部侍郎楊在

餘姚人

劾奏之

時龐天壽已死李國泰代掌司禮吉翔復與表裏為
奸一日吉翔奏大臣有三日不舉火者桂王由榔不
應明日吉翔國泰合奏由榔怒以御寶擲下吉翔即
鑿而碎之散給諸臣其凶悖如此任國璽集宋末大

臣賢奸事為一書進之由柳吉翔恨之由柳覽止一日國泰即竊去國璽又疏論時事三不可解中言禍急燃眉當思出險吉翔不悅即令國璽獻出險策國璽忿然曰時事至此猶抑言官使不言耶臣等謹案桂王倚任官豎寵用王坤龐天壽復蹈北都覆轍至緬地流離託身無所而李國泰猶代天壽掌司禮監與馬吉翔表裏為奸在若輩宵人惟知縱情網利取快目前遑顧其主而桂王受制羣閥至於流播蠻方尚不知悟明代宦寺流毒積漸之勢遂至此極亦良可浩歎耳

冬十一月我

大清兵克沅江

桂王由榔之走永昌也道過沅江土知府那嵩與其

子燾迎謁供奉甚謹設宴皆用金銀器宴畢悉以獻
曰此行上供者少聊以佐缺乏耳由榔既走緬甸李
定國不敢深入聞白文選在本邦就之謀與文選計
不合定國乃引兵自孟定過耿馬抵猛緬孟艮不附
定國移兵滅之據其地遣使號召諸土司兵嵩亦於
沅江起兵應之至是

大兵進討城破嵩登樓自焚合家皆死其土民亦多巷

戰死

嵩
諡烈愍

賜

原我

大清

世祖章皇帝順治十七年秋九月白文選攻緬甸不克

文選自木邦至錫箔所至縱兵大掠進攻阿瓦索桂
王由榔阿瓦有新舊二城新城緬酋所居文選急擊
之城且破為緬人所紿退兵十里城中備禦復固反
為所敗文選乃引兵赴孟艮會李定國定國復同文
選赴阿瓦

辛丑 我

大清

世祖章帝順治十八年夏五月李定國白文選會兵攻緬甸
不

桂王由榔久居赭磴從官資用盡竭錦衣趙明鑑謀
竊其世子以出為馬吉翔等所阻李定國以三十餘
疏迎由榔俱不達白文選復密遣人告由榔言不敢
速進者恐有他害必得緬人送出為上策由榔即以

書答之文選乃陰造浮橋將迎由榔為緬人所覺事
不果至是定國文選會兵阿瓦使人入緬求由榔緬
人不許以象兵與定國戰定國前隊稍失利文選引
兵橫擊之緬人大敗退保新城然終不肯出由榔定
國文選復議以舟師攻之遣人於上流造船為緬人
所燒定國文選移兵洞烏未幾文選兵潰走錫箔定
國亦引還

秋七月桂王由榔從官盡為緬人所殺

時緬酋弟弒兄自立欲盡殺由榔諸臣乃遣人告由榔曰蠻俗貴誼盟請與天朝諸公飲呪水馬吉翔李國泰邀諸臣盡往至則以兵圍之令諸臣以次出外出輒殺之凡殺四十二人吉翔國泰及黔國公沐天波華亭侯王維恭綏寧伯蒲繆將軍魏豹都督馬雄飛吏部侍郎鄧士廉禮部侍郎楊在御史鄔昌期任國璽光祿少卿高勳兵部郎中金簡等預焉

天波
賜諡

忠節維恭豹士廉在昌期國璽勳簡俱賜諡節愍吉翔繆雄飛以朋奸悞主不予諡

惟都督

同知鄧凱以傷足不行獲免緬人復以兵圍由榔所居其左右被殺及自縊者不可勝數惟存由榔與其眷屬二十五人

冬十二月我

大清兵至緬甸緬人執桂王由榔獻之於軍前

平西大將軍平西王吳三桂定西將軍內大臣公愛星阿等帥師征緬兩路進兵於十一月初八日會師木邦李定國先奔景線白文選據錫箔憑江為險

大兵自木邦晝夜行三百餘里臨江造筏將渡文選復奔茶山總兵馬寧等率偏師追之及於猛養文選降大兵直趨緬城先遣人傳諭緬酋令執送由榔否則兵臨城下後悔無及是月初一日

大兵至緬城緬酋懼初三日遣數十人至由榔所連坐擁之去遂并其眷屬送軍前

大兵凱旋明年四月由榔死於雲南六月李定國走死猛臘其子嗣興與劉文秀子劉震等俱來降

臣等謹案征緬之役愛星阿分路督師吳三桂實主其事當時三桂叛形未著方以擒渠服遠為功臣等編纂初稿以三桂兇狡不終削其姓名但書愛星阿等仰惟我

皇上神謨燭照

親加指示謂三桂悖亂性成爾時已包藏禍心其統兵

臨緬傳諭執送由榔不足為三桂之功轉足以正三桂之罪蓋三桂非果能戮力本朝也正欲藉我天威盡剪明宗枝葉而李定國白文選又皆其比肩委質之人勢難並立亦因此盡事殲除而後可以營窟滇南不虞後患然時方鼎革宿將猶存未敢顯然肆逆也迨中朝素有威望如睿親王鰲拜諸人者相繼淪沒然後三桂憫然自以為無一人能制其死命遂假撤藩之事乘機背叛此三桂之畜奸已非一日正與曹操司馬懿之用心相似而其逆蹟先露於握兵征緬之時彼既不能盡忠明

代又不思效節本朝反覆狙詐實千古亂賊之尤
正宜據事直書用彰元惡臣等恭聆

宸諭炳若日星真足褫姦回既死之魄明春秋誅隱之

義謹闡繹

訓詞詳悉錄載以正罪狀俾

千萬世永為定案云



御批歷代通鑑輯覽卷一百二十

張鑑通
仙舟西去
一

財團法人
佛陀教育基金會
釋淨空
敬贈

